

10. flokkur: Gjald kr. 40.00 fyrir hver 100 kg:
Dúnn, fiður, glysvarningur, og þess háttar léttar vörur, sælgætisvörur, glervörur, leðurvörur og leikföng.
11. flokkur: Gjald kr. 100.00 fyrir hvert tonn:
Allar aðrar vörur, sem reiknaðar eru eftir þyngd og ekki heyra undir aðra flokka.
12. flokkur: Gjald kr. 80.00 fyrir hver 100 kg:
Tóbaksvörur, vín og vínandi.
13. flokkur: Gjald kr. 25.00 fyrir hvert stykki:
Mótorhjól, hross, nautgripir hljóðfæri, kæliskápur, þvottavélar og heyvinnuvélar.

12. gr.

70. grein orðist þannig:

Brot gegn reglugerð þessari varða sektum allt að kr. 25 000.00, nema þyngri refsing liggja við eftir almennum lögum. Sektir renna í hafnarsjóð.

Reglugerð þessi, sem sett er samkvæmt hafnalögum nr. 48 29. apríl 1967, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 19. apríl 1968

Eggert G. Þorsteinsson.

Kristinn Gunnarsson.

REGLUGERÐ

um breytingu á hafnarreglugerð fyrir Djúpavogskauptún, nr. 90 26. marz 1947.

1. gr.

1. gr. reglugerðarinnar orðist þannig:

Djúpavogshöfn tekur yfir Djúpavog, Ytri- og Innri-Gleiðuvík sunnan línu, er hugsast dregin úr Svartaskeri að austan í Æðarstein að vestan.

2. gr.

2. gr. reglugerðarinnar orðist þannig:

Að loknum hreppsnefndarkosningum skal hreppsnefnd Búlandshrepps kjósa þrjá menn í hafnarnefnd og þrjá menn til vara. Kjörtímabil hafnarnefndar er hið sama og hreppsnefndar þeirrar, er hana kýs. Hafnarnefnd sér um, að reglugerð hafnarinnar sé hlýtt. Hún leggur fyrir hreppsnefnd tillögur sínar um úrbætur og nýsmíði á vegum hafnarinnar, sér um viðhald og endurbætur á hafnarmannvirkjum og stjórnar framkvæmdum í því sambandi. Oddviti hreppsnefndar sér um innheimtu gjald þeirra, sem reglugerð þessi kveður á um. Hann sér og um allar fjárreiður hafnarinnar og reikningshald fyrir hönd hreppsnefndar.

3. gr.

8. gr. reglugerðarinnar orðist þannig:

TEKJUR LENDINGARBÓTASJÓÐS.

A. Lestagjald.

- a. Skip og þilfarsbátar, heimilisföst í Djúpavogskauptúni, greiði lestagjald einu sinni árlega, kr. 15.00 fyrir hverja brúttó rúmlest, þó aldrei lægri upphæð en kr. 300.00. Opnir bátar greiði kr. 100.00 á ári.
- b. Hvert skip, sem til hafnarinnar kemur og fermir þar eða affermir, greiði í hvert sinn kr. 0.60 fyrir hverja brúttó rúmlest. Skip, sem til hafnarinnar koma samkvæmt fastri áætlun greiði þó þetta gjald aðeins einu sinni á ári og þá í fyrsta sinn, sem þau koma á því ári.

B. Vörugjald.

1. flokkur: Gjald kr. 0.80 fyrir hver 100 kg:
Hvers konar sjávarafli, lagður á land af fiskiskipum.
2. flokkur: Gjald kr. 1.50 fyrir hver 100 kg:
Kol, salt, sement, ís.
3. flokkur: Gjald kr. 2.50 fyrir hver 100 kg:
Olíur og benzín í lausu máli og tunnum.
4. flokkur: Gjald kr. 3.00 fyrir hver 100 kg:
Landbúnaðar- og sjávarafurðir, korn- og fóðurvörur, sykur og tilbúinn áburður.
5. flokkur: Gjald kr. 3.50 fyrir hver 100 kg:
Byggingavörur, girðingaefni, útgerðarvörur, smurningsolíur í smærri umbúðum og umbúðir um landbúnaðar- og sjávarafurðir.
6. flokkur: Gjald kr. 10.00 fyrir hver 100 kg:
Nýlenduvörur, niðursuðuvörur, ávextir og önnur matvara, hreinlætisvörur, búsaðhöld, vefnaðarvörur og tilbúinn fatnaður, vélknúin tæki og hvers konar vélar, verkfæri og áhöld, ásamt varahlutum til þeirra.
7. flokkur: Gjald kr. 20.00 fyrir hver 100 kg:
Sælgæti, öl og gosdrykkir, hljóðfæri, snyrtivörur, sportvörur og allar aðrar vörur, sem greiða skal fyrir eftir þyngd og ekki eru taldar í öðrum flokkum.
8. flokkur: Gjald kr. 0.60 fyrir hvert teningsfet:
Timbur, kork og önnur einangrunarefni.
9. flokkur: Gjald kr. 1.00 fyrir hvert teningsfet:
Húsgögn og aðrar vörur, sem reiknast eftir rúmtaki.
10. flokkur: Gjald kr. 3.00 hver tunna:
Saltsíld, saltkjöt og garnir.
11. flokkur: Gjald kr. 1.00 hvert stykki:
Tómar tunnur.
12. flokkur: Gjald kr. 1.50 hvert stykki:
Endursendir öl- og gosdrykkjakassar og aðrar tómar umbúðir.

4. gr.

Síðasta málsgrein níundu greinar falli niður.

5. gr.

10. gr. orðist þannig:

A. Bryggjugjald:

Hvert það skip, sem leggst að bryggju Lendingarbótasjóðs eða að öðru skipi, sem við hana er bundið, greiði fyrir það gjald, sem hér segir:

a. Öll aðkomuskip og bátar greiði kr. 0.60 fyrir hverja nettó rúmlest, þó aldrei lægri upphæð en kr. 15.00.

Bryggjugjald reiknast fyrir hverjar 24 stundir eða brot úr þeim.

b. Bátar, heimilisfastir í Djúpavogskauptúni, greiði kr. 5.00 fyrir hverja nettó rúmlest einu sinni á ári, þó aldrei lægri upphæð en kr. 100.00.

B. Vatnsgjald.

Fyrir vatn til skipa og báta greiðist gjald, sem hreppsnefnd ákveður.

6. gr.

15. gr. orðist þannig:

Þegar lokið er fermingu eða affermingu skips, skal skips- eða farmeigandi láta ræsta bryggjur og annað það af tækjum hafnarinnar, sem notað hefur verið. Farist það fyrir skal hafnarnefnd sjá um, að ræsting fari fram á kostnað skips- eða farmeigenda.

Til sérstakrar notkunar á bryggjum, uppfyllingu, geymsluhúsum og landi hafnarinnar, svo sem til fiskaðgerðar, síldarsöltunar, geymslu sjávarafla eða annars varnings, skal leitað leyfis hafnarnefndar, enda komi greiðsla fyrir, sem um kann að semjast hverju sinni.

Reglugerð þessi staðfestist hér með samkvæmt hafnalögum, nr. 48 29. apríl 1967, til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 19. apríl 1968

Eggert G. Þorsteinsson.

Kristinn Gunnarsson.

REGLUGERÐ

um breytingu á hafnarreglugerð fyrir Höfðakaupstað, nr. 94 21. ágúst 1961.

1. gr.

31. grein reglugerðarinnar orðist þannig:

Vörugjaldskrá:

1. flokkur: Gjald kr. 2.00 hver 100 kg:

Kol, koks, salt, sement, áburður, saltfiskur, verkaður fiskur, hraðfrystur fiskur, fiskimjöl, síldarmjöl, hrogn, söltuð þunnildi, fiskroð, skreið.